

**SYNOD MISSION BOARD
RAWNGBÀWLNA CHANCHIN TLÁNGPUI 2023**

1. THUHMA: Rev. William Williams-a kha ni 15 March, 1891 (Pathianni)-ah Mualvum, Kutbul lui chhuah a lo thleng a. Hemi ni hian Mualvum naupangte hnênah Chanchin Ṭha an hril a. Rev. William-a hi ni 29 chauh Mizoramah cham mah sela, Mizorama Chanchin Ṭha rawn hriltu hmasa a nih avàngin Kutbul lui chhuah a rawn thlen ni hi Chanchin Ṭha thlen ni atána hman a ni zui ta a ni. Ni 11 January, 1894 (Ningani)-ah F.W. Savidge (Sâp Upa) leh J.H. Lorrain (Pu Buang) te chuan Sairang an rawn thleng a. Rev. D.E. Jones (Zosâphluia) chu ni 31 August, 1897 (Thawhlehni)-ah Aizawl a rawn thleng a; Mizoram Synod chuan hemi ni hi Ramthar Ni atán kum 1973 aṭangin hmang ṭan a ni. Rev. Edwin Rowlands (Zosâpthara) chu ni 31 December, 1898 (Inrinini)-ah Aizawl a lo thleng leh bawk. Chutiang zêlin a hnuah missionary eng emaw zât an rawn kal leh a ni.

Mizorama Chanchin Ṭha a lo thlen aṭanga kum 8-na, ni 25 June, 1899 (Pathianni)-ah Mizo Kristian hmasa ber - Khûma leh Khâra ten Baptisma an chang a. Mizo dangte pawhin Pathian thu awihin, baptisma an lo chang ve ta zêl a, Kristian pawh an lo pung chho va. Chûng Kristian hmasate chuan an theih ang angin mahni khua leh khaw thenawmah te Chanchin Ṭha chu an hril nghâl zêl a. Ni 7 May, 1910-ah chuan Rev. Watkin R. Roberts (Sâp Tlangvala) leh R. Dalla te tirhin Mizo tlangval pathum - Savawma, Thangchhingpuia leh Vanzika te chuan Chanchin Ṭha hril tùrin Senvawn, Manipur an thleng ta hial a ni. Rawngbàwlina hmasa chanchin tlém tár lang zui ila:

- 1911 - Hrangvungan Tripura rama Bunghmun khuaah Chanchin Ṭha hril tùrin hma a la ṭan.
- 1913 - Rev. Ṭianga chu Haflong lamah Chanchin Ṭha hril tùrin a pem thla a; Mission Veng Upa, Upa R. Dalla chu Manipurah Savawma te ṭhianzaho ho khâwm tùr leh kaihrui tùrin a thawk bawk.
- 1925 - Lalbuaia leh Saizínga te chu Ranglong (Tripura) zínga rawngbáwl tùrin Synod-in a tír.
- 1937 - Mishmi (Arunachal Pradesh) zínga rawngbáwl tùrin mi pahnih tirh tum a ni a; mahse, Arunachal Pradesh sawrkár-in an state-ah luh a remtih loh avàngin a hlawhtling ta lo.
- 1949 - Home Mission North rawngbàwlina ṭan niin, Evangelist pathum - Thangzawna, Ronghinglova leh Lalhleia te chu Bru (Tuikuk) zínga Chanchin Ṭha hril tùrin tirh ṭan an ni.
- 1959 - Ngopa Kristian Ṭhalai Páwl-in Paite zíngah Chanchin Ṭha hril ṭanin, Upa Neihkhuma chu missionary atána tirh a ni.
- 1959 - Rev. Lalthanga, Burma ramah Missionary tùrin Synod-in a tír. Hei hi tûna Myanmar rama Presbyterian Church lo din chhuahna bul hi a ni.
- 1963 - Vanbawng leh Phuaibuang Bial Kristian Ṭhalai-ten Pu Bungkhawthanga chu Meitei zínga Chanchin Ṭha hril tùrin an tír.
- 1968 - Synod Mission Board chuan Assam state-a Cachar district-ah leh Karbi Anglong-ah Missionary tùrin Rev. Rokhuma leh Upa K. Saibela te a tír.

2. SYNOD MISSION BOARD (SMB):

Kan ramah Kohhran a lo din tirh aṭangin kohhranhoten Chanchin Ṭha hril an ngai pawimawh hle a. Mi mal leh tualchhúng Kohhran ṭahnemngaihna avàngin Chanchin Ṭha hrilin mi eng emaw zât an pen chhuak a. Assembly (tûna Synod)-in Standing Committee hmangin Mission hna a enkawlt ṭhin. Kum 1953-ah khán Mission luhchilh bing tùrin Synod Mission Committee a din ta hial a. He Committee hi kum 1961 khán Board puitlingah siam niin, Synod Mission Board hi a lo piang ta a ni. Tichuan, SMB chu Synod aiawha Ramthar (Mission) rawngbàwl hna enkawltu tiin kan sawi thei ang. SMB chuan hna pui pathum a nei a, chûngte chu:

Phêk 1-na

1. Chanchin Ṭha hril (Evangelism)
2. Kohhran phun (Church Planting)
3. Kohhran enkawl (Pastoral Ministry)

Hêngte hi Thupêk Ropui (Matthaia 28:19-20)-a innghat a ni a. SMB chuan Lal Isua Thupêk hi uar bîk leh thlauhthlâk bîk nei lova kalpui tùrin a theih ang tâwkin hma a la a. Chutiingin, Chanchin Ṭha hrila ringthar siam te, Kohhran phun te leh Kohhran enkawl te hi a ngai pawimawh hle. Mahni Intodelh, Mahnia Inrèlbàwl leh Mahnia Chanchin Ṭha hril thei kohhran din tùrin hma a la mék a ni.

3. INRÈLBÀWLNA:

Ramthar Board-ah hian Ex-Officio member 8 an awm a. Presbytery 43 aṭangin 85, Synod ruat 5, Central KṬP leh Central Kohhran Hmeichhia aṭangin pakhat ve ve, an vaiin member 100 an awm. Budget session-ah hian hotu pali - Moderator Elect, Synod Secretary (Jr) leh Finance Officer pahnih an tel avàngin member 104 an ni. Board member aṭang hian Board Executive Committee (BEC) member 15 ruat chhuah leh a ni ṭhìn. BEC bâkah hian SMB hnuaiah Sub-Committee 10 a awm bawk.

Ramthar Board hi kum khatah ṭum 3 (February, April/May & October) a ṭhu ṭhìn a. BEC hian Board ṭhut inkára ngaihtuah tùr ṭûl awm apiang a ngaihtuah ṭhìn a, a ṭhut zât tùr bituk a awm lo. Synod Mission Board Office-ah hian hotu pathum an awm a, chûngte chu Executive Secretary, i/c Mission, Board Secretary leh Coordinator te an ni.

Synod Mission rawngbàwl hna mumal taka a kal theih nán Synod Mission Board-in Field tinah Committee chi hnih - *Field Committee leh Field Working Committee* a siam a. Field Committee hi kum khatah vawi khat tal an ṭhu tùr a ni a, Field Working Committee hi thla khatah vawi khat tal an ṭhu ṭhìn.

SMB Headquarters-in a enkawl bîk - *Home Mission North leh Masihi Sangati* - te chuan Working Committee an nei ve ve bawk.

4. **RAWNGBÀWL DÀN TLÁNGPUI:** SMB chuan kan sawi tâk, a hna pui pathumte tihlawhtling tùrin kawng hrang hrangin rawngbàwlna a kalpui a. Hemi atán hian thawktute pawhin hna chi hrang hrang an thawk hlawm a ni. Kan rawngbàwlna hi DIRECT LEH INDIRECT tiin sawi ṭhìn a ni a. Chutih rualin, kan rawngbàwlnaah hian INDIRECT tia kan sawite pawh hi DIRECT-a Chanchin Ṭha puan darh nána kan hmante an ni hlawm tih kan hriat tel a ṭha àwm e.

I. Direct Evangelism: Hei hi ‘Mi mal nun luhchilha Chanchin Ṭha hril’ kan tih ṭhìn hi a ni a. Direct Evangelism hmanga kan rawngbàwlna ki puite chu *camping, campaign, crusade, Bible tract sem, home visit, rally, childrens ministry* te a ni. Hei hi a tlángpuiin, Evangelist te leh Gospel Team te rawngbàwlna a ni ber. Kan ringthar tam berte hi Evangelistte rawngbàwlna aṭanga kan neih a ni. Evangelist-te hian ni tin feh chhuakin mi hrang hrang hnênah a remchàn dàn ang angin Chanchin Ṭha an hril ṭhìn. Bial khat chhúnga Evangelist-te hian khaw dangah te feh chhuakin kawng hrang hrangin Chanchin Ṭha hi mite hnênah an hril bawk ṭhìn. Tûnah hian tûn hma angin Mission Field mal tána Gospel Team din hi tih thar a ni ta lo va. Thawktu awm ang angte chu a ṭûl hun apiangah Team angin an che chhuak mai ṭhìn.

II. Indirect Evangelism: Hei hi kawng hrang hrangin thawh a ni a; Evangelist Teacher te, Doctor/Health Worker/Nurse te leh Craft Teacher te rawngbàwlna a ni ber. Indirect Evangelism-a kan rawngbàwlna ki pui deuhte chu:

1) *Medical Ministry:* Medical Ministry (tihdam rawngbàwl hna) hi ringlote zínga Chanchin Ṭha hrilna remcháng berte zínga mi a ni a; he lama thawktu leh thawhna hmun (Medical centre) hi 131 kan nei mék. Pathianin he rawngbàwlna hi nasa takin mal a sàwm a, thawktute damdawi

chawh leh an enkawlina hmangin Pathian hnathawh ropui leh mak tak tak a thleng mék zêl a ni. Pathianin a thuam ang zêlin ñawngñai leh kut hmanga tiham rawngbàwlina hi kalpui a ni ñhìn bawh. Doctor/Nurse/Health Worker te rawngbàwlina a ni ber.

Doctor, Nurse leh Health Worker-te bâkah hian thawktute leh ringtharte zínga tiham rawngbàwlina thilpêk dawngte pawh Pathianin a hmang ñhìn hle a ni.

2) *School*: School din hi Direct leh Indirect hmanga Chanchin Ñha hrilna remcháng tak a ni. Kan School-a evangelism kan kalpui dân langsàr zualte chu Devotion, Gospel Week, Crusade, Outreach, Home visit-te a ni. Pathianin mal a sàwm a, hêng hunah hian zirlaite hnênah Direct-in Chanchin Ñha tlang takin an hril thei ñhìn. Tûnah hian School 61 kan nei mék a ni. Thawktute hi Sikul chawh leh hun remcháng dangah te ringlo khuah Chanchin Ñha hrilin an feh chhuak bawh ñhìn.

3) *Puan ñhùi zirna (Craft Centre)*: Field hrang hrangah Craft Centre 48 kan nei mék a, hei hi rawngbàwlina leh Chanchin Ñha hrilna kawngah hmanraw ñangkai, ringtute tihchakna leh ringlote hnêna rawngbàwlina ñha tak a ni. Hêng hmunah te hian zirlaite chu Devotion neihpuiin thawktuten an hnênah uluk takin Chanchin Ñha an hril ñhìn. Zirlai eng emaw zâtin Lal Isua hmuh phah nán an hmang mék a ni. India ram ril lamah Chanchin Ñha hril a harsa tial tial a; puan ñhùi zirna hmanga rawngbàwlina hi kan hma lâkna ñangkai berte zínga mi a ni.

4) *Non-Formal Education*: Ringtharten Bible hriatna kawngah hma an sàwn theih nán Bible Correspondence (Bible Ralchhan)-te buatsaih ñhìn a ni. Sâp ñawng zirna sikul te pawh din a ni bawh. Kohhrana an ñangkai lehzual theih nán kan ringtharte chu ziaak leh chhiar zirtír ñhìn an ni bawh. Hêngte hi ringthar Kohhrante tán a ñangkai êm êm a ni.

5) *Sports*: Hêng bâkah hian hmun ñhenkhatah chuan infiamna hi Chanchin Ñha puan darh nán an hmang ñangkai hle bawh. Football tournament te buatsaihin, lawmman an siam a. Inkhelte leh a entute hnênah Pathian thu an lo sawi a, Bible Tract te an lo sem bawh ñhìn. Hei hian tualchhúng mite nêna inlaichinna a siam ñha hle bawh. Hei hi a zawngchhang tlâk hle bawh a ni.

5. RINGTHAR DINHMUN:

Pathianin kan Missionary-te thawhrimna nasa takin mal a sàwm a, kum tin ringthar ñhahnem tak kan nei zêl a, a làwmawm êm êm a ni. Kum 1974 añanga 2022 chhúnga kum 5 dân zêl-a ringthar kan neih dân (Sl. No. No 1-8) leh kum 2011 añanga kum tina ringthar kan neih dân (Sl No. 9-21) chu hetiang hi a ni:

- | | |
|----------------------------------|------------------------|
| 1. Kum 1974-ah 132 | 2. Kum 1980-ah 659 |
| 3. Kum 1985-ah 1,362 | 4. Kum 1990-ah 3,497 |
| 5. Kum 1995-ah 2,714 | 6. Kum 2000-ah 3,437 |
| 7. Kum 2005-ah 6,072 | 8. Kum 2010-ah 5,992 |
| 9. Kum 2011-ah 5,245 | 10. Kum 2012-ah 5,512 |
| 11. Kum 2013-ah 6,293 | 12. Kum 2014-ah 7,738 |
| 13. Kum 2015-ah 6,067 | 14. Kum 2016-ah 8,037 |
| 15. Kum 2017-ah 7,898 | 16. Kum 2018-ah 7,639 |
| 17. Kum 2019-ah 9,202 | 18. Kum 2020-ah 5,148 |
| 19. Kum 2021-ah 10,319 | 20. Kum 2022-ah 15,576 |
| 21. Kum 2023 (Jan-July)-ah 6,064 | |

6. INSTITUTIONS:

Field lama rawngbàwlina bâkah thawktute *training*-na hmun hêngahte hian a awm:

1. *Missionary Training College (MTC), Mission Vengthlang* : Missionary senior zâwkte tán thla khat chhúng **Refresher course** (kum tin vawi khat) neih ñhìn a ni a, mi 383-in an zir chhuak

tawh. Missionary Pastor leh Field Secretary ruat tharte tán (kum tin kár hnih chhúng) **Pastor Orientation** neih thìn a ni baw a, mi 226-in training an zo tawh baw. Missionary thawk lai tána **Short Course Training** (thla thum chhúng) buatsaih chu mi 348-in an zo tawh baw. **Bachelor of Missiology** (B. Miss.) hi kum thum chhúng zir tùr niin Senate of Serampore College hnuaia awm a ni a, mi 163-in an zir chhuak tawh a ni.

2. *Mission Development Training Centre (MDTC), Bualpui* : Hetah hian Mission Field hrang hranga kan rawngbàwnaa miten ei zawna ngelnghet an neih theih nán **Trade** paliah Training an nei thìn a. Veterinary-ah mi 112, Carpentry-ah mi 133, Agriculture & Horticulture-ah mi 56 leh Tailoring-ah mi 10 te an training chhuak tawh a ni. Tûnah hian Veterinary-ah mi 5, Carpentry-ah mi 4 leh Tailoring-ah mi 1 an training mék. Heta zir chhuak tate hian an tângkaipui thìn hle. Rawngbàwnaah tângkai takin an hmang chho va, a ram mite zingah ei zawna atána hmang chho ta mi eng emaw zât an awm tawh a ni.

3. *Presbyterian Hindi Bible School (PHBS), Bawngkawn* : Hei hi Hindi-a Pathian thu zirna hmun a ni a. Zir hun chhúng (course khat) hi thla ruk niin, kum khatah batch hnihin an zir thìn. Zirtu tam ber hi hnam dang an ni a, a tlánpuiin Mission Field atângin zir tùr an intír thìn. Zirlai 1729-in an zir chhuak tawh. Tûnah (August 2023) hian zirlai 25 awm mékin Batch 71-na an ni. He hmuna zir chhuakte hi anmahni ram lama an kir leh hnua rawngbáwlta tângkai tak an ni thìn. Chanchin Tha puan darhna kawnga thawh hláwk tak leh Missionary-te puitu tângkai tak an ni baw.

7. **SHORT TERM MISSIONARY RAWNGBÀWLNA:**

Hun eng emaw chhúng atán mi thiam bîk te, Pensioner te, sawrkár hna thawk lai te emaw a ruai thìn. An lawmman leh an thawh hun chhúng tùr hi SMB-in a rél thìn. Mi mal, short term missionary-a kal duh chuan ama lawina Kohhran hriatpuina lehkha thil telin SMB-ah Short Term Missionary hna a dil theih a ni. Hun puma thawh remcháng lo, mahse hun eng emaw chhúng atána missionary hna thawh theihna kawng awm hi Kohhranhote hian uar deuh deuh thei ila, a duhawm hle.

8. **TENT MAKING MISSIONARY :**

Mizoram chhúng leh páwn hmun hrang hranga ringlo zinga hna thawkten mahni eizawna hna thawk chung a missionary nih duhte tán missionary nih theih dân ruahman a ni a. Chutiang mi chu Tent Making Missionary tih an ni a, an term hi kum thum a ni. Kan Kohhran mi zîktluak, Kohhran Dân chhúnga awm, Mission páwl dangin hlawnh neia an chhawr lai ni lo ten SMB-ah dîlna theh luh theih a ni. Tent Making Missionary-te rawngbàwlta hi a hluin, a tângkai hle a ni.

9. **RAMTHAR CHANCHINBU:** Ramthar Chanchinbu hi kum 1984 atanga tihchhuah tán a ni a. Tûnah hian kum 39 a lo tling ve ta a, a bu chhut zât (August 2023) chu 37,600 a ni. Mizoram Synod chhúngkua 1,37,160-ah chhúngkua 1,00,000 chuang chu Ramthar hian a thleng phâk lo. Ramthar Chanchinbu hi Kohhran mipuiin Ramthar rawngbàwnaa kan Kohhran chêt dân kan hriatna pawimawh tak a ni a. Tin, missionary, hmun hrang hranga awmte pawhin an rawngbàwlta chanchin an inhriat tawna a ni baw. Rawngbàwnaa hma kan sâwn zêl theih nán a chhiar kawngah tán kan lâk a pawimawh hle a ni.

10. **MISSION/PÁWL/KOHRAN DANG NÈN THAWHHONA:**

Tûnah hian Mission/páwl hrang hrang nèn thawk hovin, thawktu kan tír mék baw a ni. Kan thawhpui páwlte nèn hian sum leh pai leh thawktu mamawh inphuhru tawnin rawng kan báwl ho va, a zawngchhang tlâk hle. Partnership kan neih chhante chu:

SMB RAWNGBÀWLNA CHANCHIN TLÁNGPUI 2023

1) Zau zâwka rawng kan bawl theih nán te, rawngbàwl na zau zâwka mi dangte nèn kan thawh ho theih nán te leh rawngbàwl tu chi hrang hrangte hmanga khawvêl kohhran dangte nèn rawng kan inbàwlsak tawn theih nán.

2) Keimahni ngawta rawng kan bawl a remchàn lohna hmuna thawhpuite hmanga rawng kan bawl theih nán leh Kohhran hrang hrangte nèn rawngbàwl na kawnga kan inpumkhat theih nán.

(a) Partnership kan neihpui, thawktu kan va pêk/thawh an awm a.

1) Council for World Mission (CWM) (1986)	-	2
2) Emanuel Hospital Association (EHA), Delhi (1980)*	-	1
3) Serving In Mission North East India (SIMNEI) (2008)	-	2
4) Seva Bharat (2008)	-	5
5) Shanti Niketan Subathu, Himachal Pradesh (2011)	-	3
6) Dar-UI-Fazal, Manali, Himachal Pradesh (2011)	-	2
Belh khâwm	-	15

[*EHA hi sum leh paiin kan pui tel bawk.]

(b) Partnership Agreement neia suma a tanpuite:

1) Darjeeling Hills Bible School, Mirik (2008)	2) Union Biblical Seminary (UBS)
3) Evangelical Fellowship of India	4) Interserve (India) (1985)
5) Evangelical Presbyterian Church, Sikkim (1988)	

11. HÈNG RAM (FOREIGN)-AH HIAN MISSIONARY KAN INTÍR:

1) Cambodia (Pastor 1, Doctor 1 leh Evangelist 2)	2) Bolivia (Doctor 1 leh Evangelist 1)
3) Wales (Social Worker 1)	

12. SUM DINHMUN:

1) Ramthar rawngbàwl nána hun hmasa lama sum hmuh dàn chu hetiang hi a ni:

1932	-	₹	26
1942	-	₹	840
1952	-	₹	758
1962	-	₹	13,896
1972	-	₹	1,43,203
1982	-	₹	20,93,891
1992	-	₹	3,01,65,006
2002	-	₹	12,54,06,798

2) Tûn kum 15 chhúnga Ramthar rawngbàwl nána budget-a sum dah zât leh hmuh zât chu hetiang hi a ni:

<i>Kum</i>	<i>Budget</i>	<i>Hmuh zât</i>	<i>Khumna/Phak lohna</i>
2008-'09	17,08,52,000	22,21,58,850	5,13,06,850 (+)
2009-'10	22,37,94,500	27,04,22,390	4,66,27,890 (+)
2010-'11	30,22,73,700	31,96,28,025	1,73,54,325 (+)
2011-'12	35,58,24,700	42,17,14,680	6,58,89,980 (+)
2012 - 13	40,89,69,000	51,10,61,465	10,20,92,465 (+)
2013 - '14	51,68,53,000	59,43,42,559	7,74,89,559 (+)
2014 - '15	60,96,49,000	66,55,25,556	5,58,76,556 (+)
2015 - '16	77,48,53,000	72,75,55,558	4,72,97,442 (-)
2016 - '17	81,55,18,000	80,11,77,360	1,43,40,640 (-)
2017 - '18	89,38,88,000	90,71,98,112	1,33,10,112 (+)

2018 - '19	1,03,65,44,000	1,19,18,12,139	15,52,68,139 (+)
2019- '20	1,25,95,95,000	1,45,24,23,649	19,28,28,649 (+)
2020 - '21	1,32,38,85,000	1,47,00,16,190	1,461,31,190 (+)
2021 - '22	1,39,79,67,000	1,51,72,01,369	11,92,34,369 (+)
2022 - '23	1,53,10,71,000	1,76,35,17,443	23,24,46,443 (+)

13. MISSION FIELD HRANG HRANG CHANCHIN TAWI: SMB hian Mission Field Puitling 17 leh Field puitling ni chiah lo pahnih (Masihi Sangati leh Cambodia) a enkawl mék a ni.

1) HOME MISSION (NORTH & SOUTH): Field hnih ni mah se eng emaw chenah kan rawngbàwlina a inang zual deuh va, hmun khatah dah ila. Hêng kan Field pahnihah hian a tlángpuia kan thawhna hi hnam hlawm li angin a then theih a, chûngte chu - Páng, Bâwm, Chakma leh Bru te a ni. HMN-ah hian Chakma leh Bru zingah rawng kan bawl ber a. HMS lamah hian Páng leh Bâwm zinga rawngbàwlina hi kalpui tel a ni a. Tûnah chuan Kristian an ni zo thawkhat tawh a. Bru zingah pawh hian ringlo hi a tlém zâwk ni tawhin, an tam tawh vak lo.

Chakma zingah erawh chuan ringtu kan la nei tlêm êm em a ni. Chakmate hi Buddhist sakhaw zuitu an ni hlawm a. An sakhaw hruiute hian an mite Kristian an nih loh nán kawng hrang hrangin hma an la nasa hle a ni. Kristian nih chu hnam phatsanna anga zirtír an nih avàngin Chanchin Tha an hriat hnu pawhin an tán Kristian nih a harsa êm êm a ni.

A tlángpuia kan thlir erawh chuan, Bru zinga kan rawngbàwlina hi a hlawhtling thawkhat viau niin a lang. Kan ringtharte zingah awm tha duh lo leh kawhmawh bawl deuh an lo awm a nih pawhin mi nghet, kohhran ban rinawm leh Pathian tána thahnemngai tak mi eng emaw zât an awm a ni. Tin, hêng harsatna hrang hrang phênah hian Pathian hnathawh ropui tak tak kan la hmu reng a ni. Chakma Convention leh Bru Convention kan neih thinte hi kan rawngbàwlina hlâwk tak pakhat a la ni zêl a. Kan rawngbàwlinaah hian ringthar siam leh kohhran sawh ngheh hi kan hma lâkna ber a ni.

Mizoram chhúng ngeiah Lal Isua ringtu la ni lo an la tam hle, hetiangin: *mihring awm zât* 10,97,206; *Kristian* - 9,56,331 (87.16 %); *Buddhist* - 93,411 (8.51 %); *Hindu* - 30,136 (2.75 %); *Muslim* - 14,832 (1.35 %) *Sakhua bîk nei lo* - 1,026 (0.09 %); *Sakhaw dang* - 808 (0.07 %); *Jain* - 376 (0.03 %) leh *Sikh* - 286 (0.03 %) (*Chhiarpui 2011*).

HMN hi a hranpaa hotu hran (Field Secretary emaw Administrative Secretary emaw) nei lovin SMB Headquarters Office-in a enkawl a ni. [*Field hawn kum: 1949; Missionary zât: 193; Ringthar neih zât: 54 (Jan - July 2023)*].

HMS erawh chu hetiang hi a dinhmun a ni: [*Field hawn kum: 1987; Administrative Secretary: Rev. H. Lallianzara; Headquarters: Lunglei; Missionary zât: 260; Ringthar neih zât: 22 (Jan - July 2023)*].

2) BARAK AREA: Barak Area-ah hian Bengali leh Meitei zingah rawng kan bawl ber a. Kumin (2023) May thlaa Manipur-a chî leh chî inkára buaina a chhuah avàngin Manipur State chhúng, Jiribam Pastor Biala Mizo Missionary (Meitei zinga thawk)-te chu hmun dangah sawn an ni. Kum 2016 aţangin Cachar Tlánggram hi Barak Area-ah rin luh a nih tâk avàngin Zohnahthlâk hnam hrang hrangte zinga rawngbàwlina pawh a huam tel ta a ni. Mizoram thenawm maia awm a ni a; Mizote nèn pawh kan inpawlsawpin, boruak mawi lo leh duhawm lêm lo te pawh kan nei tawn zauh zauh thìn. Heti chung hian Pathian malsàwmna azárah rawngbàwlina kawng a la inhawng zau va; ringthar an awm reng a, Kohhrante pawh an thang hle a ni. Sikul rawngbàwlina te, Damdawi lam rawngbàwlina te leh Craft lam rawngbàwlina te a tangkawp tha hle a ni. Barak Area-ah hian tawng chi hrang a tam hle. Chûngte avàng chuan Gospel Team hi thuang thum laiin kalpui a ni a. Bial hrang hrangten an mamawh ang zêlin (Campaign leh Crusade) rawngbàwlina nei tùrin an sáwm thìn a. Ringthar hmuhna tangkai leh hlâwk tak a ni. Indirect lamah hian School, Medical,

Craft leh Bible Ràlchhàn te hman a ni a. 'Indirect' tia sawi a ni chung hian hêngte hi tlang (Direct) taka Lal Isua chanchin puan chhuahna atána hman an ni thìn. Kan Sikul leh Damdawi lam rawngbàwl nate hi ringtu leh ringlote tán pawha chhawrnahawm tak an ni. Craft lama kan rawngbàwl na hi a ram mi ringtu harsate ei leh bar zawnna kawnga chhawmdawl nán te leh ringlote ringtua siam nán a pawimawh hle. Bible Ràlchhàn hi rawngbàwl na biru, hlâwk angreng tak si a ni. Barak Area-ah hian BJP an sawrkàr tâk aţang hian boruak a danglam chho deuh va, kut thlâk leh buaina eng eng emaw kan tâwk chho zeuh zeuh a ni. Eng pawh ni se, Pathian zarah Barak Area-ah hian rawngbàwl a phurawm a, hei aia nasa hian Pathian hnathawh kan hmuh zêl a beiseiawm hle a ni. Hmabâk erawh ala tam hle - Cachar District-ah hian Kristian chu 2.17%; Karimganj District-ah 0.98%; Lakhimpur District-ah 4.43% leh Hailakandi District-ah 1.29% te a ni. **(2011 Chhiarpui).** **[Field hawn kum: 1975; Administrative Secretary: Rev. Lalrintluanga Ngente; Headquarters: Silchar; Missionary zât: 233; Ringthar neih zât: 120 (Jan - July 2023)].**

3) TRIPURA MISSION FIELD: Kan rawngbàwl na hi tláng mi (Tribal) zíngha a ni deuh ber. Chûng mite chu 'Kokborok' (Borok ţawng hmangho) leh 'Halam' (Zohnahthlâkho) tiin an then leh a. 'Kokborok' chhúngah hian hnam hrang hrang an awm leh a, an ţawng pawh thui tak a inzúl hlawm. Chutiang bawkin 'Halám' chhúngah pawh hnam hrang hrang awmin an ţawng pawh inhnaih tak tak a ni hlawm. Kum 2020 aţangin Bengali Project ţan a ni a. Kumin aţang hian Bengali/Meitei Pastor pakhat hovin Bengali leh Meitei zíngha tha pui thawha rawngbàwl na kalpui a ni a. Tûnah hian Bengali zíngha thawk Evangelist 11 leh Meitei zíngha thawk Evangelist 4 ten chak zâwkin hma an la a, kumin hian Bengali/Meitei ringthar mi panga an nei tawh a ni. Direct leh Indirect rawngbàwl na te a inpui tawn thain Pathianin mal a sàwm nasa hle a, ringthar leh Kohhran pawh a pung chak hle. Thawh tûr erawh a la tam hle - Tripura-ah Kristian chu 4.35% a ni **(2011 Chhiarpui).** **[Field hawn kum: 1986; Field Secretary: Rev. H. Lalrinsnga; Headquarters: Agartala; Missionary zât: 119; Ringthar neih zât: 514 (Jan - July 2023)].**

4) DELHI MISSION FIELD: Home visit, Film show, Non-Formal Education, Craft Center, Medical Center, Varsik Sammelan (Ringthar Inkhâwmpui), Leadership Training leh Gospel Tract sem te hi kan rawngbàwl na ki pui deuh deuh an ni. Delhi Mission Field-ah hian Missionary 28 chauh kan neih laiin a huam chhúng erawh chu India hmar lam State lian pui pui – Punjab, Haryana, Himachal Pradesh, Uttarakhand leh Delhi khawpui te hi a ni. A tlángpui thuin North Indian-ho hi hnam induh, India ram neitua ingai, Hindu kulmûk, sakhuaa nghet êm êm an ni a. Tin, Hindu hmun thianghlim, an lui thianghlim leh an khaw thianghlim tamna hmun a nih avàngin an sakhua-ah hian an nghet hle. Hêng lai hmuna rawngbàwl tûr chuan tîsa lam thilah pawh, khawsak dân leh nungchangah pawh an hmuhsit loh tûra awm a ţûl hle. Khawpui liana chêng leh mi changkangte pawh dawr pha tûra kan missionary-te kawng hrang hranga kan thuam a pawimawh hle. India hmar lama rawngbàwl zêl tûr hian behchhan tûr – School, Craft Center, Tution Center leh thil dang hmanrua tûr kan zawn thiam a ţûl hle. Thingtláng lamah phei chuan kan hmél te a lo danglam deuh nèn, tute nge kan niha, eng nge kan tih dawn tih hi an ngaihven êm êm a, eng lai pawha hnung lama mit nei anga khawsak a ţûl hle. India hmar lamah hian Chanchin Tha hril hi awlsam lo mah se, Kohhranhoten min ţawngţaipui thìn avàngin waviin thlengin hma lam kan pan ve zêl a; kan beisei lohna hmun tam tak aţangin Chanchin Tha ringa, Isua zui tûra inpe thar an awm zêl. Rawngbàwl harsa viauvín lang thìn mah se Pathianin mal min sàwm nasa êm êm a, ringtharte min pein ringthar Kohhrante pawhin hma an sâwn ve hle a ni. Mihring bitna hmunte a ni hlawm a, nasa taka ţan lâk a ţûl hle. Kristian dinhmun hetiang hi a ni: Delhi - 0.87%; Chandigarh - 0.82%, Haryana - 0.19%; Punjab - 1.25%; Uttarakhand - 0.37% leh Himachal Pradesh - 0.18% **(2011 Chhiarpui).** **[Field hawn kum: 1988; Field Secretary: Rev. Laltharzuala; Headquarters: Delhi; Missionary zât: 28; Ringthar neih zât: 116 (Jan - July 2023)].**

5) CALCUTTA MISSION FIELD: Kolkata khawpui chhúng leh a chhehvêl District 12-ah rawngbàwl na kalpui a ni a, Bengali ţawng hmangte zíngha rawng kan bawl ber a, Hindi hmangte

zingah pawh hmun thenkhatah chuan rawng kan bawl baw. Puan thui zirna te, Non-Formal School te leh Damdawi lam rawngbawlna te kan hmang tangkai hle. Sâp tawng zirna leh Adult Education (puitling tána zia leh chhiar zirna) te pawh kan kalpui baw thìn. Direct Evangelism lamah hêng - Home visit te, Bible Tract sem te, Seeker's Rally te, Campaign/Crusade te leh Kristian Film chhuah te kan kalpui baw. Pathian hnathawh ropui tak tak kan hmu thìn. Lalpan ringtharte min la pe ve zêl chauh ni lovin, kan ringtharte zingah thiamna leh khawsakna lamah pawha mi pangngai tak takte pawh an tel ve thìn a ni. *Seekers* kan tih mai, Chanchin Tha rawn ngaihvena, kan missionary-ten an kawm fàl mék hi mi eng emaw zât kan nei a. Ni 9 April, 2022 khán Church Court-a hlàn kai kan ni ve ta. West Bengal-ah hian mihring 9,12,76,115 lai an awm a, Kristian erawh chu zaa 0.72 chauh an la awm a ni. **[Field hawn kum: 1988; Field Secretary: Rev. J.C. Lalramliana; Headquarters: Kolkata; Missionary zât: 59; Ringthar neih zât: 656 (Jan - July 2023)].**

6) SILIGURI MISSION FIELD: Siliguri Mission Field hi North Bengal Area lama kan Mission hma lâkna hmun pawimawh tak pakhat a ni. Assam, Sikkim, Bhutan, Nepal leh Bihar State te kârcheha awm a ni. Kan rawngbawlna hmuna hian tawng hrang hrang - Hindi, Bengali, Nepali, Sadri, Rajbongsi, Djongkha tawng hmangte an awm a. Sakhuana lamah chuan Hindu, Buddhist, Muslim leh Nepali hnam sakhu zuitu te an ni hlawm. Tûnah hian hmun thenkhatah chuan kan member-ten Pathian an biakna hmuna tûr Biak In kan nei tawh a. Hmun dangah hi chuan a remchàn dàn angin thawktute inah emaw, member In remchàng dangah emaw te kan inkhâwmpui thìn. Evangelist-te hian rim takin Chanchin Tha hril hna an thawk reng a. Medical rawngbawlna hi Nurse-ten anmahni Centre theuhva an thawh bâkah hmuna hrang hrangah Free Clinic an kalpui baw a. Puan thui (Craft) zirna hmuna an pualin Gospel Week kan neihpui baw thìn. Tin, Non-Formal Education leh Adult Education kan kalpui mék baw. Sikkim lamah Evangelical Presbyterian Church of Sikkim (EPCS) te nèn thawk hovin Evangelist eng emaw zât kan ruai mék a. Darjeeling tláng lamah hma thar lain thawktu kan indah ta baw a. Bhutan ram lama Chanchin Tha hril hna nasa zâwka thawk tûrin tan kan la chho mék zêl a; Bhutan-ah hian Native Worker ruaiin hma kan la a, member 562 zet kan nei a ni. Kan rawngbawlna hmuna tam ber hi West Bengal state chhúng a ni a. Trinamul Congress Sorkârna hmuna a nih avàngin Chanchin Tha hril kawngah harsatna kan nei lutuk lo va, kan zalèn rih hle. Kan hma lâkna lian tak pakhat, Bhutan ram erawh Kristianna duh lo ram an ni a. Zalèn taka Chanchin Tha hril theih a la ni lo. Heti chung hian theih tâwp chhuahin kan bei chho mék zêl a, Kohhranho tawngtâina avàngin Lalpan a ram a zauh zêl ang tih kan beisei a ni. Kohhrante an thangin hma an sâwn hle a ni. Hmabâk kan la ngah hle. **[Field hawn kum: 1988; Field Secretary: Rev. Lalrinfela Pachuau; Headquarters: Siliguri; Missionary zât: 42; Ringthar neih zât: 57 (Jan - July 2023)].**

7) KARBI ANGLONG MISSION FIELD: Karbi Anglong District-ah hian mihring 9,56,313 awmin Kristian chu 1,57,789 (16.50%) an ni. Hel (ramhnuai mi) an tamna hmuna a ni a, paw khawihna chi hrang hrang a thleng fo thìn. Ni 29 March, 2015-ah khán Synod-ah hlàn kai a lo ni tawh a, ramthar lam rawngbawlna erawh la kalpui zêl a ni. Karbi mite hi an hnam sakhuah an nghet viau mai a; an sakhaw serh leh sâng an ngai pawimawh hle. Tûn thlengin inthâwi uar tak hnam an la ni. Assam-ah hian BJP-in ro an rél a. Karbi Anglong District inthlan (2022)-ah khán BJP-in seat awm zawn zawn (26) an la fai vek a ni. Heti lai hian, vawiin thlengin harsatna min siam khawpin dodâlna kan la tâwk rih lo va, zalèn takin kan *prosar* thei reng a ni. Amaherawhchu, Karbi hnam sakhaw pakhat '*Honghari*' avàng leh, khaw mal *committee* te remtih lohna awm leh zauh thìn avàng erawh chuan kan ringtharten khua aţanga hnawhchhuah an la tâwk zauh zauh reng a, a paw khawp mai. Hei pawh hi a ziaawm chho niin kan hria. Karbi hnam hi chhúngkhat laina inráwn tláng dial diala thu tlûkna siam thìn, thu tlûkna siam mai mai lo leh, an siam tawh vek vek chuan an thu tlûknaa nghet taka ding zui thìn hnam an ni. Sakhaw danga (Kristiana) inleh hi an tán thil harsa tak a ni. Chuvàng chuan ringthar neih hi thil awl-ai a ni lo hle; Kohhranhoten tha pui thawha nasa taka tawngtâipui an ngai hle. Sikul, puan thui zirna leh tihdam rawngbawlna te hi Indirect Evangelism lama kan hmanraw tangkai tak a ni a. Hmun dang ang bawkin Direct Evangelism

lamah pawh theih tãwpa hma lâk mék zêl a ni. Thil làwmawm tak erawh chu - ringthar neih tam a harsat viau laiin Kohhranhote hian anmahni hnampui veina an nei lian ve tial tial a ni. **[Field hawn kum: 1989; Field Secretary: Rev. R. Lal̥hapauia; Headquarters: Diphu; Missionary zât: 97; Ringthar neih zât: 81 (Jan - July 2023)].**

8) ARUNACHAL & ASSAM MISSION FIELD EAST: Kan rawngbàwlina hi Changlang District (Arunachal) leh Tinsukia District (Assam)-ah a ni ber a, hêng hmunte hi kan bawh hneh thawkhat viau tawh a. Chanchin Ṭha hrila han feh chhuahna tùr a vág hial tawh. Kum 2018 aṭang khán Lohit District, Anjaw District, Namsai District, Tirap District leh Lower Dibang Valley District-ah te hma kan la ṭan a. Kan rawngbàwlina hi a tam ber chu Tangsa hnam an ni (*Tangsa chhúngah hnam péng hrang hrang, ṭawng hrang hrang hmang eng emaw zât an la awm a. Ṭhenkhat chu inzúl deuh an awm laiin inhre pawh hauh lote pawh an awm bawk*). Nepali zíngha pawh rawng kan báwl bawk. Hei bâkah hian tûn hnaiah Nocte-ho zíngha rawngbàwlina kan tharthawh a; an zíngha tha pui thawha rawngbàwl a phurawm. Ṭawng hrang hrang a tam a; Hindi leh Assamese hi ṭawng tualléng ber a nih avàngin rawngbàwlina atán pawh hman lâk tak a ni. Kan rawngbàwlina su tùr leh do let tùr hian sakhaw thar ‘Rangfrah’ an tih chu an din a. Rangfrah sakhuaah hian Kristiante tih dân leh Hindu tih dân an la kawp a. Chu chu an hnam sakhuaah an ngai a; Kristian sakhua chu ram dang sakhua niin an inzirtí a. Hei hian eng emaw chen kan rawngbàwlina a tiṭhuanawp a ni. Kohhranhote tha thara kan beih a ṭûl hle a ni. Kan Kohhran din sate erawh an puitling thawkhat hle. **[Field hawn kum: 1991; Field Secretary: Rev. R. Vanlalruata; Headquarters: Kharsang; Missionary zât: 84; Ringthar neih zât: 41 (Jan - July 2023)].**

9) LUCKNOW MISSION FIELD: Kan rawngbàwlina hmun tam ber hi thingtláng a ni a, khawpuiah hian Fellowship kan la nei lo. Direct Evangelism leh Indirect Evangelism hmanga hma lâk a ni a, a ṭangkawp ṭha hle. Crusade hi ringthar kan neihna hnarpui ber a ni ṭhìn a; amaherawh chu, tûn hnaiah hian Direct Evangelism hi kalpui a harsa ta hle. Damdawi lam leh Non-Formal Education lam rawngbàwlina pawh miten an ngaihlu a, a ṭangkai hle. Lucknow-a Mizo zirlaite hi rawngbàwlinaah an ṭangkai hle. Puan ṭhùi zirna hmunah pawh ni tin Devotion neihpui ṭhìn an ni a, ringthar pawh kan nei ṭha ṭhìn hle. Puan ṭhùi zirna hi langsàr taka rawngbàwlina kalpui theihthe zíngha mi a ni ta. Tin, Fellowship tlém te chauhvín Biak In an nei a; ringtute varanda leh thingbuk hnuai remcháng lai te hi kan inkhâwmna tam zâwk a la ni. Pathianin min awmpui avàngin ringtharte kan nei ve deuh reng a ni. Lucknow hi India rama State lian ber Uttar Pradesh khawpui a ni a. BJP-in sawrkàrna an chelhna hmun, Chief Minister-ah pawh Hindu Puithiam Yogi a ni a. BJP-ten sawrkàrna an chelh tâk aṭang khán Hindu firfiak páwl - Bajrang Dal, RSS leh VHP te chu an huangtau sâwt hle. Mi ṭhenkhatin min thlithlai ru reng a, min hêka, Jail-a min tàntírna tùr remcháng an zawng reng thung. Ualau taka baptisma chantír a remcháng lo va; in chhúng, mi hmuh theih lohna tùr hmuna chantír te a ṭûl ṭhìn. Huaisen leh fimkhur taka rawngbàwl a ngai a, Kohhranhote ṭawngṭaipuina kan mamawh tak zet a ni. Lucknow khawpui chhúngah hian Kristian 16,456 awmin; chu chu mihring awm zât aṭanga tehin 0.58% a ni. Uttar Pradesh pum puiah hian Kristian chu zaa 0.17 chauh an la ni (**2011 Chhiarpui**). **[Field hawn kum: 1999; Field Secretary: Rev. Dailamthanga; Headquarters: Lucknow; Missionary zât: 33; Ringthar neih zât: 31 (Jan - July 2023)].**

10) PATNA MISSION FIELD: Bihar-ah hian mihring 10,40,99,452 awmin, Kristian chu zaa 1.24 chauh an la awm a. Patna khawpui chhúngah hian Kristian chu 0.51% chauh an la awm. Hindi hmangte zíngha rawng kan báwl ber a. Thawktute hi Group hrang hrangah insiamin hmun hrang hrangah rawngbàwlin an feh chhuak ṭhìn a, a hlâwk hle. Damdawi lam rawngbàwlina pawhin ngaihhlut a hlawh hle a, Chanchin Ṭha hrilna atán a ṭangkai hle. Hindu sakhaw âtchilh tak takte tamna hmun a nih avàngin ringtharte leh thawktute pawhin harsatna eng eng emaw kan tâwk ve ṭhìn. Kan ringtharte hi hnam hnuaihnuung zâwkte an ni a, an zuam hle ṭhìn. Direct Evangelism (*Oureach, Prachar, Personal Evangelism, leh Seeker’s Meet*) leh Indirect Evangelism (*Medical, Non- Formal School & Craft Centre*) hmangin rawng kan báwl ve ve. ‘Indirect Evangelism’ hi India

ram dinhmun mékah pheih hi chuan a ùl zual ta hle mai. Zirlai ni baw si lo, sorkár hnathawk ni baw si lova vai rama kan awm ve ringawt hi an hre thiam mang lo; min ringhlel deuh nghâl mai zêl. Pathian humhimna leh awmpuina avàngin harsatna kárah ringthar kan nei ve deuh reng a ni. Tih tùr leh hmabâk a la tam êm êm a, Kohhranhote tha thlah lova kan beih a ùl tak zet a ni. **[Field hawn kum: 1999; Field Secretary: Rev. K. Vanlalhriata; Headquarters: Patna; Missionary zât: 46; Ringthar neih zât: 133 Jan - July 2023]].**

11) SILIGURI B (NEPAL) MISSION FIELD: Nepal ram hi khawvêla Kohhran leh Mission páwl hrang hrangten an vei rawna, hna an thawh mup mupna hmun a ni a. Chúng zínhah chuan keini pawhin Chanchin Ṭha puan darh hna kan thawk ve mék a ni a. Kohhranhote theih tâwp chhuaha kan rawngbàwlina hi Pathianin mal a sàwm mawlh mawlh a ni. Páwl dangte aia kan danglamna hi miten an hrechiang tial tial a, kan zíngha lo tel duh an pung zêl a ni. Puan ṭhùi zirna te leh Sáp ṭawng zirna te pawh ṭangkai takin Chanchin Ṭha hril nán kan la hmang zêl a. Tihdam rawngbàwlina erawh chu Nepal sawrkárin kan Nurse-te *registration* a *cancel*-sak avàngin kan kalpui thei lo va; chuvàngin, Nurse-te pawh Evangelist angin an thawk a ni. Thawktute hi Group-ah inṭhenin thla tin vawi hnih vawi thum te kan feh chhuak ṭhìn. Hindu tamna ram a ni a, Kristian duh lohna hi chak takin a kal reng a ni. Harsatna lian tham tâwk lo mah ila, tûn hma angin langsàr taka rawngbàwlina kalpui a harsa ta hle. Hetih lai hian, Lalpan ringthar min pe zêl a; tin, Kohhranhote hmasâwnna hian thinlung a tihlim êm êm baw. Thawktuten Chanchin Ṭha kan hril bâkah hian Kohhran mal te leh Bial huap tein rawngbáwlin an feh chhuak ṭhìn. Ṭhalai leh Kohhran Hmeichhia te pawh an bâng lo, Chanchin Ṭha hrilin an chhuak fo ṭhìn. Anmahni chipuite veina kawngah an chhuanawm hle a ni. Nepal-ah hian Kristian hi zaa 1.42 an awm **(2011 Chhiarpui)**. **[Field hawn kum: 2000; Field Secretary: Rev. Vanlalhruaia; Headquarters: Kathmandu; Missionary zât: 32; Ringthar neih zât: 110 (Jan - July 2023)].**

12) ARUNACHAL & ASSAM MISSION FIELD WEST: Pathian zárah kan Field rawngbàwlnain hma a sâwn zêl a, a huam chin pawh a lo zau ta hle a. Kum 2016 khán kan Field aṭangin Arunachal & Assam Mission Field North pawh a lo piang ta hial a ni. Adi hnam leh Galo hnam zínhah rawng kan báwl ber a. Hindi hi an ṭawng tualléng a nih avàngin thawktute pawhin rawngbàwlina atán kan hmang nasa hle. Zirna sikul te, tihdam rawngbàwlina te leh puan ṭhùi zirna te hi Chanchin Ṭha hril nán kan hmang ṭangkai hle. Hêng hmuna kan zirlai chhuak tate hi a tlánpuiin an awmna Kohhranah mi ṭangkai tak tak an ni hlawm a, a làwmawm hle a ni. Kan ringthar Kohhranten anmahni inveina an nei chho zêl a, Kohhran eng emaw zât chu anmahniin Chanchin Ṭha hrilin an feh chhuak ṭhìn a ni. Pastor Bial tin hian a khat tâwkin Chanchin Ṭha beihpui (outreach) an thlâk ṭhìn a, hei hi kan ringthar neihna hnár ber pakhat a ni. Arunachal Pradesh hi Mizo Kohhrante pawhin tûn hma aṭanga kan vei êm êm ṭhìn kha a ni a. Thilpêk, tha leh zung leh ṭawngṭaina hmangin theih tâwpin kan bei a, tûn thlengin kan la bei zêl a ni. Tûnah hian Kristian sakhaw zuitu hi an ṭahnem ber tawh a, zaa 30.26 lai an tling ta! Hindu-in dawtin, anni hi 29.04% an ni thung. Thawh tùr erawh a la tam hle a ni. **[Field hawn kum: 2001; Field Secretary: Rev. Malsawmtluanga; Headquarters: Itanagar; Missionary zât: 79; Ringthar neih zât: 66 (Jan - July 2023)].**

13) ASSAM: Hawn a nih hmaa zir chianna zúlzuiin khawpuiah rawngbàwlina ṭan a ni a; chutih rualin, thingtláng lamah pawh a theih ang angin kalpui a ni. Chi inthliarna a nasat avàngin hnam hniamhote ringthara kan siam hmasak hian mi dangin tel ve an châk loh phah ṭhìn niin a lang a. Chuvàngin, kan Field-ah hian a tírah hnam hnuaihning zíngha rawngbáwl lovin, mi vantláng zínhah rusum kan thlâk hmasa a. Pathianin kan ruahmanna leh kan hnathawhte mal a sàwm nasa êm êm a ni. Assamese, Nepali, Santal leh Bodo hnam zínhah rawng kan báwl ber. Baptisma chang nambar kan pung chak lo viau nân mi nghet, kohhran ban tùr, Pathian Ram thilpêk pianpui nghâl mi Pathianin min pe leh hlauh ṭhìn. Kan ringthar neihte hian mi dang veina an nei nasa hle. Hêngte hian Kohhran hmathlir a ti-êng hlein kan hria. Ni tin kawm tùr zawnga chhuah te, Gospel Tract sem te, hmun remchángah Pathian Thu sawi tùra feh chhuah te hi kan rawngbàwl dàn tlánpui a ni a.

Sikul pakhat kan nei a, result tha tak an neih thin bâkah Chanchin Tha hrilna remchâng leh tângkai takah kan hmang a ni. Tihdam rawngbàwl na pawh miten an hlut a, rawngbàwl nán a tângkai hle. Kan Field hi ni 30 July, 2022 khán Church Court-ah hlàn kai kan ni. Assam ram pum puiah hian mi 3,12,05,576 awmin, mi 11,65,867 chu Kristian an ni a; chu chu 3.74 % a ni. Guwahati khawpui chhúngah hian Kristian 8,913 niin, mihring awm zât a tângin 0.93 % chauh an la ni (**Chhiarpui 2011**). [**Field hawn kum: 2008; Field Secretary: Rev. Billy Lalrinchhana; Headquarters: Guwahati; Missionary zât: 83; Ringthar neih zât: 34 (Jan - July 2023)**].

14) JHARKHAND MISSION FIELD: Kan Field-ah hian hnam hlâwm lian ber (Santal) zingah rawng kan bawl a; Ranchi lamah erawh chuan Munda hnam zingah rawng kan bawl tel baw. A tlánpuiin, tawng khat (anmahni tawng - Santali)-a rawng kan bawl theih avàng hian kan rawngbàwl na pawhin hma a sâwn phah hle niin kan hria. Thalai lam chuan Hindi pawh an thiam tlánpui thung a, rawngbàwl nán Hindi pawh kan hmang baw a ni. JMF hi Bihar leh W. Bengal inkára awm a ni a. *Non-Formal Education, Adult Education* leh puan thui zirna kan kalpui mék a, sikul pakhat kan nei baw. Kum 2017 August thlaa Jharkhand State Assembly-in Sakhaw danga inleh khapna Dàn (Anti-Conversion Bill) a pass a tâng khán rawngbàwl a harsa sâwt hle. Chanchin Tha hril (*Direct Evangelism - Bible Tract sem, crusade, film show, etc*) phal lohna khua a tam ta a, zalèn taka rawngbàwl leh ringthar Baptisma chantír te a theih ta lo va, rawngbàwl dân pawh thiam a ngai hle. Ringlo an la tam a; tin, Santal unaute hi zu-in a tibuai nasa hle. Ram nei tha mah se, ruahtui a that tâwk loh avàngin an leilet a hlâwk zo lo va, hmun dangah hnathawkin an chhuak nasa hle. Hnathawh tùr a tam a, kan thawk seng lo a ni ber mai. Kohhranhoten min tawngtâpui thin avàngin kan lâwm a, min tawngtâpui zêl tùrin kan sáwm a che u. Khaw thenkhatah kan ringtharte chuan kawng hrang hrangin ringlote hnên a tângin harsatna an tâwk zauh zauh. Mahse, min dodâla min dotu thenkhat, Lal Isua ringtu rawn nia, baptisma chang leh ta hial te pawh an awm a ni. Kan Field hi ni 11 April, 2022 khán Church Court-ah hlàn kai kan ni. Kan rawngbàwl na hi a la beitham a; distict 24-ah district 6-ah chauh kan la inzár pharh a ni. Jharkhand-ah hian mi 14,18,608 (4.30 %) chu Kristian an ni a, mihring awm zât 3,29,88,134 a ni (**Chhiarpui 2011**). [**Field hawn kum: 2008; Field Secretary: Rev. Dr. C. Lalthanzara; Headquarters: Dumka; Missionary zât: 54; Ringthar neih zât: 413 (Jan - July 2023)**].

15) ARUNACHAL NORTH MISSION FIELD: Kan Field hian District pali: Siang, East Siang, West Siang leh Upper Subansari Dist bâkah Assam-ah Demaji Dist te kan luah tel baw. Pastor Bial paruk - Aalo, Boleng, Daporijo, Tato, Pasighat leh Jonai Pastor Bial-ah te then a ni a. Arunachal North Field-ah hian hnam hrang hrang - Galo, Boro, Mising, Adi, Tagin leh Bokhar zingachte rawngbàwl na kalpui a ni. School pakhat, Jubilee Model High School, Jonai (Assam)-ah kan nei a. Kohhran Hmeichhia leh Thalai ten Bial leh Kohhran/Branch-in, anmahni thawh chhuahin Chanchin Tha hrilin an feh chhuak thin. Kohhran eng emaw zâtin anmahni thawhchhuah liau liauvin Biak In an sa tawh a ni. [**Field hawn kum: 2016; Field Secretary: Rev. Lalthanhawla; Headquarters: Aalo (Along); Missionary zât: 62; Ringthar neih zât: 42 (Jan - July 2023)**].

16) ODISHA MISSION FIELD: ODISHA MISSION FIELD: Odisha Field hian tribal hnam chi khat 'Kui'-ho zingah rawng kan bawl ber a. Kui hnam hi Odisha state-a tribal hnam hlâwm lian ber páwl niin, nuai 20 chuang an awm àwm e. Kan rawngbàwl dân langsàr zual te chu- personal evangelism, medical camp/free clinic, feh chhuah (outreach), campaign/crusade, sport ministry, film show leh craft centre kal tlangin a ni a. Hèngte kal tlang hian ringthar seng khâwm hna leh ring tawhte sawh ngheh hna kan thawk reng a ni. Tin, kan field-in sikul pakhat Gilakuta khuaah kan nei a. Kan sikul hi 2022-ah Middle School-a upgrade a ni nghe nghe a, kan lâwm hle. A ram mi pakhat Pathian thu zir zo tawh kan nei a, a dang pahnihin an zir mék baw. Odisha hi Anti-Conversion Law hmanna state a ni a. Langsàr taka rawngbàwl a remchàn loh hun a awm fo. Dodâla pawh kan tâwk leh zauh thin. Chutih kárah Pathian hruaina mak tak kan chang reng thung a. Lalpan kan hma

a hruai zêl e. [**Field hawn kum: 2016; Field Secretary: Rev. Lalrintluanga; Headquarters: Bhubaneshwar; Missionary zât: 34; Ringthar neih zât: 46 (Jan - July 2023)**].

16. FIELD PUITLING NI LO, HMA LÂKNA LIANTE:

1) Masihi Sangati: Synod Mission Board aiawhin Masihi Sangati hian Mizoram chhúnga hnam dangte zínga rawngbàwlina hna a thawk a ni. MSK hnuaiah hian Director 1, Minister 10 leh Evangelist 200 an bung mékin, Fellowship 256 awm anga chhinchhiah a ni. Area 23 niin, Pastor Bial 10 (Hnam bîk - Káwl Pastor Bial pakhat telin)-a òthen a ni a. Evangelist-te hi Bial (Pastor Bial pangngai) leh Kohhran malah dah an ni a. Fellowship/Bial/Area te kaihhruaina hnuaiah an thawk ber. Team pali - Synod Gospel Team pahni, Gorkha Gospel Team leh Vai changkang Team te awmin rawngbàwlina kawngah hma lâkna hrang hret neiin an thawk a ni.

Kum 1965 khán Nepali Kristianten anmahni pualin inkhâwmna an nei òtan tawh a. Synod hriatpuia Nepali Christian Fellowship tih hming pua an din chu ni 13 December, 1974 a ni thung. Kum 1977 aòangin an zínga rawngbàwl tûr Evangelist rawih òtan a ni. Non-Mizo (Vai) Biak In hmasa ber chu Khanpui khuah kum 1982-ah khán sak a ni. Masihi Sangati rawngbàwlina Pathianin mal a sàwm nasa hle. Ni 29 May, 2008-a Ramthar BEC (486:21) chuan 'Non-Mizo' tih òthin chu 'Masihi Sangati' tiin a thlâk ta a.

Kum 2010 aòangin **Vai Changkang** zínga rawngbàwlina pawh kalpui zêl a ni a. Evangelist-te hian Mizoram chhúnga hnam dang, hna sang thawka rawn awmte leh rawn zinte lo kawmin a theih ang angin Pathian thu an hrilh òthin. **Synod Ramthar Committee 163/25-26.10.2018 Resl. No. 30** chuan **Vai Changkang Team** tih chu **Synod Dialogue Team** tiin a hming a thlâk a. Vawiin thlang hian chu hming chu a la pu ta zêl a ni.

Ni 22 January, 2015-ah khán **Synod Mission Choir** chu din niin, member 23 (Director leh Conductor telin) an awm a. Ram chhúng leh pawna ramthar rawngbàwlina tichak tûra din an nih angin òtawng chi hrang hranga Pathian Fakna hla sain hmun hrang hrangah an feh chhuak òthin. Pathianin a hmang hle.

Tûnah hian rawngbàwlina kawnga Vai Kristian Mistîri-te òtangkai zâwka hman an nih theihna tûrin hma a la mék a; tin, kawthlêra rawngbàwlina neih kawngah hma lâk a tum bawk. MS rawngbàwlinaah hian a nâwlpua harsatna langsàr si lo, mahse Chanchin Tha hre lote hrilhna kawnga mi tibuai thei ve tak a awm reng. Mistîri awm rei tawh, tlángnel si, Krista zui duh si lote hian thunun an lo ngah tawh a. *Campaign* neih te hian an hnuaia thawkte chu an kaltîr ve mai a; mahse, baptisma chang ngam an awm mang lo òthin, an mitmei ringawtte hian an thunun thei hle. Mosolman Mistîri-te leh an puithiamte òtang khâwm hian Mizo òthenkhat an hneh fo. Hnam dang kristiante an hék thiam hle. Kristian an nih avànga hék ni reng siin, an hna leh awm dànah an hék daih a. Mizo Kristian, hna neitute khân an lo âwih a, an thu hmang khán Kristian an nih avànga tuarna kan lo thlentîr ta òthin a ni. Kristian an nih hian hna te, chènna te an hloh fo òthin, a òthen chuan thawh hawte pawh an tâwk bawk. Pathianin ramthar Field-a kal thei lote tan ramthar Field min rawn chhawpsak a. An rama kan biak hleih theih loh tûrte hnênah keimahni kawtkai an hnênah Chanchin Tha kan lo hrilh thei a ni. [**Director: Rev. Zochhuanmawia; Headquarters: Aizawl; Ringthar neih zât: 3,553 (Jan - July 2023)**].

3) Cambodia: Cambodia ramah kum 2010 aòangin thawktu kan intîr òtan a, tûnah thawktu pathum an bung mék. Thingtláng aòanga College kal tûra khawpui rawn pante tan chenna tûr In (Dormitory) an lo buatsaih a. Chanchin Tha hrilhna remcháng tak a ni. SMB Dormitory behchhanin House Church din a ni a. Pathianni tlaiah an inkhâwm òthin. Dormitory-a awm zirlaite mai ni lovin òthenawm hnaite pawhin inkhâwm an rawn zawm ve òtan a, member pawh pun zêl a beiseiawm hle. SMB hian Cambodia-a Pastor leh Kohhran mite pualin Leadership Training, Retreat leh Seminar te buatsaih òthin a ni. School of Discipleship (SOD), Phnom Penh, hi MOU ziakin SMB nèn an thawk ho mék bawk. SOD hi kum hnih zir a ni a, batch khatah mi 15 vèl admit an ni òthin. He School-ah hian kan missionary-te hi faculty-ah an tel. Cambodia rama Kohhran eng emaw zâtin Mizo Kohhrante anga mahni kea ding ve tûrin hma an la òtan a, Buhfaitham rawngbàwlina kalpui ve òtan pawh an

awm ta mék a, a làwmawm hle. **[Mihring 17,123,000-ah, Kristian 5,95,880 (3.48 %) vél an ni a. A tam ber hi Buddhist an ni - Joshua Project]**

17. SYNOD-A DINTÍR TAWHTE CHANCHIN TLÁNGPUI:

1) Manipur: Manipur Meitei zínga rawngbàwlina hi Tuiṭhaphai Presbytery (Manipur Synod)-in kum 1962 vél khán a lo ṭan tawh a. Vanbawng Kohhran leh Phuaibuang Kohhran Ṭhalai ten kum 1963-ah Meitei zínga thawk túrin Missionary an lo tír lut bawk. Hun lo kal zêlah Mizoram Synod nèn thawk dunin kum 1967 khán Manipur-ah Mizoram Presbyterian Kohhran chuan rawngbàwlina bul a ṭan ta a ni. Meitei Kristiante hian hma an sâwn chak viau a, kum 1991-ah Presbytery hawn a ni a; lehkhathiam an tam avàngin Pastor pawh Field dang zawng aiin an chhuak chak zâwk a. Ni 21 April, 2013-ah PCI-in Administrative Unit a hawng a, ni 19 April, 2015 khán Provisional Synod-ah hlàn kai niin, ni 30 April, 2017-ah Synod puitlingah hlángin ‘Meitei Presbyterian Singlup (MPS) Synod’ tih a lo ni ta a ni.

MPS Synod hian Ramthar (Mission & Evangelism) department te siamin, an theih ang angin Chanchin Ṭha hril hna hi an thawk chhunzawm a, a khát tâwkin ringtharte pawh an la nei ve zêl a ni. May 3, 2023-a Manipur-a chí leh chí inkára buaina chhuak kal zêlah an Biak In leh Synod hmun pawimawh eng emaw zât tihchhiat a ni a. A theih ang angin mi mal inahte an inkhâwm zui hrâm hrâm a, ṭawngṭaipui an ngai hle.

2) Karbi Anglong: Mizoram Synod tirhin Rev Rokhuma leh Upa K. Saibela te chuan kum 1968-ah Karbi Anglong rawngbàwlina an ṭan a; SMB-in hma a lâk ṭan tak erawh chu ni 13 July, 1989 a ni. Pathianin Karbi Anglong-a Karbi hnamte zínga kan rawngbàwlina mal a sàwm nasa hle. Evangelism leh Zirna (Education) bâkah *literature* lama kan hma lâkna pawh a hlawhtling thawkhat hle.

Karbi Anglong-ah vek hian Khasi Jaintia Presbyterian Synod (Mihngi) chuan Karbi mite zíngah hma lain rawng an báwl bawk a. Member pawh sing chuang lai an ni tawh a. Anniho hi kum 2006 khán Khasi Synod aṭangin an lo inla hrang tawh a, an hming pawh ‘Presbyterian Church Karbi Anglong General Administrative Area’ (PCKAGAA) tih an ni a. Amaherawhchu, anmahni kea an la din theih loh avàngin Assembly-in (direct-in) a enkawl a ni.

Keini lam hi member sang sarih chuang an lo awm tawh bawk a. Tichuan, chung Khasi Synod enkawl ṭhìn, kohhranhote nèn Synod pakhatdah dah niin, Provisional Synod pawh ni hmasa lovin, ni 29 March, 2015 khán Synod puitlingah hlàn kai an ni ta a ni. Karbi Anglong Presbyterian Church (KAPC) Synod tih an lo ni ta.

3) Tripura Synod: Tripura-ah hian New Zealand Baptist Mission-in rawngbàwlina an ṭan hma hle a. 1938-ah Tripura Baptist Church Union (TBCU) a lo dīng ṭan a. TBCU nèn hian NEICC-ah te kan thawh ho avàngin an Field chhúnga Synod hminga rawngbáwla luh mai a remcháng lo deuh reng a. Chutih laiin mi mal ṭahnemngai leh para-church kal tlingin Presbyterian mi leh sa missionary eng emaw zât chu rawngbáwlin an awm ve reng bawk a. Hêng mite rawngbàwlina avàng hian ringtharte pawh an lo pung zêl a.

Kum 1976 khán Tripura Presbyterian Kohhran a lo dīng ve ta hial a. Chuta ṭanga kum 10 a lo vei meuh chuan Synod hminga kutthlâk pawh a inthlahrunawm ta lo deuh bawk a, kum 1986-ah chuan official takin Mission rawngbàwlina chu hawngin Mizoram Synod-in a thawk ṭan ve ta a ni. Tûnah chuan Pastor Bial 16 awmin, Presbytery pawh pali a lo awm ta. Ni 2 April, 2017 khán Tripura Mission Field chu Tripura Provisional Synod-ah hlàn a ni a; ni 24 March, 2019-ah Tripura Presbyterian Church (TPC) Synod tiin, Synod Puitlinga hawn a ni ta a ni.

18. HOTUTE:

S.No.	Field	AS/FS/Director	Mobile No
I. HOME MISSION			
1	Home Mission North	*Rev. R. Lalhminga	9534928171
2	Home Mission South	Rev. H. Lallianzara	9862252172
II. NORTH EAST REGION			
1	Arunachal 'E'	Rev. R. Vanlalruata	9436153209
2	Arunachal 'N'	Rev. Lalthanhawla	7005891654
3	Arunachal 'W'	Rev. Malsawmtluanga	8974956446
4	Assam	Rev. Billy Lalrinchhana	7304491108
5	Barak Area	Rev. Lalrintluanga Ngente	7630077948
6	Karbi Anglong	Rev. R. Lal̥hapuia	9004716673
7	Tripura	Rev. H. Lalrinsanga	9436152378
III. CENTRAL REGION			
1	Delhi	Rev. Laltharzuala	9856215725
2	Jharkhand	Rev. Dr. C. Lalthanzara	8420279457
3	Kolkata	Rev. J.C. Lalramliana	9674267192
4	Lucknow	Rev. Dailamthanga	8787324957
5	Nepal	Rev. Vanlalhruaia	8729916430
6	Odisha	Rev. Lalrintluanga	9612365970
7	Patna	Rev. K. Vanlalhriata	9862123882
8	Siliguri	Rev. Lalrinfela Pachuau	9436755927
IV. FIELD PUITLING NI LO, HMA LÂKNA LIAN			
1	Masihi Sangati	Rev. Zochhuanmawia	9903528759
2	Cambodia	Rev. Benjamin Lalrinmawia	+85510496463
V. PISAPUI LAMA HOTUTE			
1	Rev. Dr. K. Lallawmzuala	Executive Secretary	9402551279
2	Rev. R. Lalhminga	Secretary, SMB	9534928171
3	Upa Lal̥hahluna Ralte	Coordinator	9862570502

**Home Mission North hian hotu hranpa nei lovin, Pisapui hian a enkawl a ni.*

19. THAWKTU CHÀWMNA: Mizoram Kohhrante hi Ramthar rawngbâwlna lamah kan ðhangharh thar hle a. Mi mal, chhúngkua, Pâwlho leh Kohhran ten thawktu kan châwm a. Mumal zâwka thawktu chàwmna hi kalpui a nih theih nân Synod Ramthar Board chuan kaihhruaina a siam a. Synod chuan siam ðat ngaite siam ðhain a pawm a (Synod 1986:39; App. No. 9).

Chu Kaihhruaina chuan Kohhran tina Ramthar Committee din te, Chàwmna pawisa Tualchhúng Kohhran Committee-a theh luh te, Chàwmna chu Kohhran hming chauhvah kaltír te, châwm duhte chu Tualchhúng Committee-in a hui khâwm zâwnga ðan lâk te, thawktu Chàwmna head - Tualchhúng leh Biala telh te, chàwm neiten kum khat tal chàwm te, chàwm lai chhonzawm thei lote chuan Synod Financial Year tawp hma thla hnihah Ramthar Office-ah hriattír tùr a nih thu te, Ramthar Field tlawh chungchâng te leh he kaihhruaina hi kum thum chhúng enchain phawt a nih tùr thu te a tel a.

Kum thum a lo ral chuan Synod chuan hetiangin a rél ta a: *'Thawktu Chàwm hi awm zêl se, chàwm bîk awm tawh lo sela, chàwm zât chauh chhinchhiah ni se. Chàwmna rate hi ₹ 750/- ni tawh lovin ₹ 1,000/- ni tawh se. A chanvea châwm duh tán pawh chàwm theih ni se. Kum nga hnuah ennawn ni se,'* tiin (Synod 1989:39).

Kum nga a ral hnu chuan Ramthar Board chuan kalphung pangngaia kal a rawt a. Synod chuan pawmpuiin kum nga dang hman leh phawt chu ða a ti a (Synod 1994:52). Kum 1999-ah Ramthar Board-in chàwmna rate hman chu la ða zêla hriain Synod-ah a ngaia kalpui a rawt a. Synod chuan an rawt ang hi a ða e (Synod) 1999:51) tiin tûn thleng hian chutiang chuan kan la hmang ta zêl a ni.

Chàwmna hi Sponsorship a ni: Sâp ðawnga ‘Sponsor’ tih hi Mizo ðawngin ‘Chàwmna’ tiin kan lo letling a. Hei hian ngaih sual a ti-awlsam deuh niin a lang. ‘Tanpuina’ emaw ‘dona’ emaw tih ni ta se, a pawmawm deuh mahna. ‘Chàwmna’ hi Missionary lâwmman/hlawh zât a ni lo va, an sênso zawng zawng a khuh tihna a ni lo bawk.

Entír nân, TV programme-a Special Report hi sponsor-tu eng emaw zât an awm ðhin a, an sponsor-na zât pawh a danglam thluah ðhin. Synod hian thawktu kan sponsor-na zât hi bituk ðhain a hria a, thla khatah ₹ 1,000/- a sponsor tùrin a rél ta a ni. Hei hi ‘thawktu chàwmna’ tiin kan sawi a, a ðawngkam hian Sâp ðawnga a nihna a letling ða tâwk lo deuh niin a lang.

Synod-in Pathian hnêna Sâwma pakhat pêk dân tùr a ruahman chu 5:3:2 a ni a. Hei hi 3:2:1 anga sawi an awm ðhin a, hriat fuh loh vàng a ni âwm e. Thawktu Chàwmna hi Sâwma Pakhat (5:3:2) aṭanga pe lovin, kan chan tùr (Sâwma pakhua) aṭanga pêk tùr a ni a. Kan rawngbâwl na ðûlzia leh hmachhawp te thlirin, thawktu Chàwm kawngah hian theih tâwp chhuah a pawimawh hle. He policy hi Pathianin nasa takin mal a sâwm a, a hmang hle.

20. RAMTHAR NI: Kan hriat angin August 31 hi Ramthar Ni a ni a, Mizorama Presbyterian Kohhran rawn dintu Rev. David Evan Jones (Zosâphluia) Mizorama rawngbâwl tùra a lo thlen ni a nih vàngin Mizoram Presbyterian Kohhran tán Ni pawimawh bîk a ni.

Mizorama Chanchin ða rawn thlentu hmasa ber (Pioneer Missionary) Rev. William Williams chuan Khasi rama a thawh laiin Syhlet lama Mizo Lung In tángte hnên aṭanga Mizote chanchin a lo hriatin Mizorama kal duhna a nei ta a. Kum 1891 March 20 khân Aizawlah a lo kal a, Mistiri leh kut hnathawka inhlawhfate hnênah Pathian thu hrilin, *tract* te a sem a.

Mizoram chanchin chu Welsh ramah a zu sawi a, Welsh Presbyterian Mission chuan kum1892-ah Mizoram chu Missionary tirh luhna atán a thlang ta a. Rev. William Williams hi tirh an tum a, mahse vànduaithlâk takin a thi ta mai si a. Mi thar an dap leh a; Theological College-a an zirtír chhúngin hun a lo vei hman a. Hetih lai hian Arthington-a mi tirh Rev. F.W. Savidge (Sâp Upa) leh Rev. J.H. Lorraine (Pu Buanga) te kha an lo chhuak a, kum 1894, January 11-ah Mizoram an lo thleng a; Welsh Presbyterian Mission tirhin Rev. D.E. Jones (Zosâphluia) hi kum 1897, August 31-ah a lo thleng ve leh ta a.

Kum 1972 Mizoram Synod Inkhâwmpui chuan, Synod Ramthar Board-in, ‘August ni 31, Pu Zosâphluia Mizorama a lo thlen ni hi Synod Ramthar Ni atán hman ni se’, tia a rawtna chu pawmin, kum 1973 aṭang khân ‘August 31’ chu ‘Ramthar Ni’ atán hman ðan a lo ni ta a ni.

21. TLÁNGKAWMNA:

Ramthar rawngbâwl hna hi kan Pathian mission ropui ber a ni a. Chu hna chu Kohhranhovin hna pui bera ngaia ka thawk hi kan tih àwm rêng ti kan ni a. A làwmawm tak zet a ni. Mizoram Synod hian tûn aia nasa zâwka tih theih kan la neih zui zêl pawh a beiseiawm hle. Kan hma lâk tawhna vêk hi chu tûn aia nawr nat pawh a la ðûl zêl ang. Lal Isua la ring ve lo Isua hnêna hruai tùr an la tam êm êm a, kan Lal Isuan, “Buh seng tùr a tam hle si a, nimahsela a thawktute an tlém,” (Mt 9:37) a tih ang khân khawii Field mah hi kan la al hneh lo a ni deuh ber mai. Buh seng tùra thawk tùrte tír tùrin buh Neitupa hnênah kan tlûk luh zêl a la ngai a, tûn aia nasa zâwka thawk tùrin ðan lâk a la ngai nasa hle a ni.

SYNOD MISSION BOARD HNUAIA THAWKTU ZAT

2023

Sl. No.	Field Hming	Hawn kum	FS/AS/Director/ In-charge	Pastor		Pro. Pastor		Minister Total	Missionary			Field Worker			Daily	Voluntary Missionary	TOTAL	Kraws Sipai/ Sponsored Missionary
				Mizo	Field Worker	Mizo	Field Worker		Permanent	Contract	Missionary Total	Permanent	Contract	Field Worker Total				
1	Home Mission North	1949		16		5		21	78	115	193			0			214	6
2	Barak Area	1975	1	11	7		1	20	78	155	233	16	103	119	18	1	391	96
3	Tripura	1986	1	9	10		4	24	41	78	119	22	42	64			207	247
4	Home Mission South	1987	1	11		9		21	52	208	260			0	13		294	60
5	Calcutta	1988	1	8			2	11	4	55	59	3	91	94	65		229	17
6	Siliguri	1988	1	5	1	1		8	12	30	42	4	35	39			89	22
7	Delhi	1988	1	4				5	5	23	28	1	20	21			54	11
8	Karbi Anglong	1989	1	8				9	34	62	96		113	113			218	
9	Arunachal East	1991	1	4	2			7	22	62	84	6	59	65	5		161	1
10	Lucknow	1999	1	5	1			7	4	29	33		36	36			76	12
11	Patna	1999	1	5			1	7	6	40	46		31	31			84	16
12	Nepal	2000	1	4	4			9	0	32	32	3	41	44			85	32
13	Arunachal West	2001	1	3	2			6	17	62	79	2	49	51			136	2
14	Jharkhand	2008	1	5	3		2	11	4	50	54		72	72	3		140	44
15	Assam	2008	1	4				5	24	59	83		24	24	2		114	17
16	Odisha	2016	1	2	1			4	5	29	34		27	27	1		66	5
17	Arunachal North	2016	1	4	2		1	8	9	53	62	5	30	35		2	107	16
18*	Cambodia	2010	1					1	3	0	3		6	6			10	
19*	Masihi Sangati	1979	1	9	1			11	18	8	26			0			37	
	Vellore & Mumbai							0	2		2			0			2	
	Partnership (Thawh hona)							0	7	7	14	4	7	11			25	
	Trainees							0	6	23	29	3	12	15			44	
	Hqtrs. Office, MTC, etc.*							0	37	7	44			0			44	
	TOTAL		18	117	34	15	11	195	468	1187	1655	69	798	867	107	3	2827	604

Notes:

1. No 18 & 19 (Cambodia leh Masihi Sangati) te hi Field puliting an ni lo
2. Headquarters Office, MDTC Bualpui, Ramthar Hostel, PHBS,
Synod Education, Hmangaihna In leh Missionary Training College-a thawktute